



**PARLAMENT FEDERACIJE
BOSNE I HERCEGOVINE**

1102

Na osnovu člana 17. stav 1. i člana 115. stav 2. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", broj 2/06 i 72/07), Parlament Federacije Bosne i Hercegovine je na sjednici Predstavničkog doma, održanoj 22. jula 2008. godine i na sjednici Doma naroda, održanoj 17. jula 2008. godine, donio

ODLUKU

**O IZMJENAMA ODLUKE O UTVRĐIVANJU IGMANA,
BJELAŠNICE, TRESKAVICE I KANJONA RIJEKE
RAKITNICE (VISOČICA) PODRUČJEM OD ZNAČAJA
ZA FEDERACIJU BOSNE I HERCEGOVINE**

I.

U Odluci o utvrđivanju područja Igmana, Bjelašnice, Treskavice i kanjona rijeke Rakitnice (Visočica) područjem od značaja za Federaciju Bosne i Hercegovine ("Službene novine Federacije BiH", br. 8/05), u tački II. stav 4. mijenja se i glasi:

"Ovom Odlukom preuzimaju se planske pretpostavke utvrđene Prostornim planom Bosne i Hercegovine za period od 1981. do 2000. godine i Prostornim planom Kantona Sarajevo za period od 2003. do 2023. godine, što podrazumijeva nadležnost organa prema Zakonu o prostornome uređenju kantona, a odnosi se na područja općina za koje je donesena prostorno-planska dokumentacija i donesena Odluka o pristupanju izradi provedbeno planske dokumentacije od općine u skladu sa Prostornim planom kantona, a do donošenja prostornog plana Federacije Bosne i Hercegovine".

II.

Iza tačke IV. dodaje se tačka IVa. koja glasi:

"IVa.

Na području ograničenom granicama iz ove Odluke izgradnju građevina i drugih zahvata u prostoru odobrava Federalno ministarstvo prostornoga uređenja i općinski organi nadležni za prostorno uređenje, u skladu sa odredbama Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", br. 2/06 i 72/07) i drugim podzakonskim aktima".

III.

U tački V. u šestom redu riječi: "prostornog uređenja i okoliša", zamjenjuju se riječima: "okoliša i turizma".

IV.

Ova Odluka stupa na snagu narednoga dana od dana objavljivanja u "Službenim novinama Federacije BiH".

PF broj 01-02-992/07

22. jula 2008. godine

Sarajevo

Predsjedavajući
Doma naroda
Parlamenta Federacije BiH
Stjepan Krešić, s. r.

Predsjedavajući
Predstavničkog doma
Parlamenta Federacije BiH
Safet Softić, s. r.

Temeljem članka 17. stavak 1. i članka 115. stavak 2. Zakona o prostornom planiranju i korištenju zemljišta na razini Federacije Bosne i Hercegovine ("Službene novine Federacije BiH", broj 2/06 i 72/07), Parlament Federacije Bosne i Hercegovine je na sjednici Zastupničkog doma, održanoj 22. srpnja 2008. godine i na sjednici Doma naroda, održanoj 17. srpnja 2008. godine, donio

ODLUKU

**O IZMJENAMA ODLUKE O UTVRĐIVANJU IGMANA,
BJELAŠNICE, TRESKAVICE I KANJONA RIJEKE
RAKITNICE (VISOČICA) PODRUČJEM OD ZNAČAJA
ZA FEDERACIJU BOSNE I HERCEGOVINE**

I.

U Odluci o utvrđivanju područja Igmana, Bjelašnice, Treskavice i kanjona rijeke Rakitnice (Visočica) područjem od značaja za Federaciju Bosne i Hercegovine ("Službene novine Federacije BiH", br. 8/05), u tački II. stavak 4. mijenja se i glasi:

"Ovom odlukom preuzimaju se planske pretpostavke utvrđene Prostornim planom Bosne i Hercegovine za razdoblje od 1981. do 2000. godine i Prostornim planom Kantona Sarajevo za razdoblje od 2003. do 2023. godine, što podrazumijeva mjerodavnost organa prema Zakonu o prostornome uređenju kantona, a odnosi se na područja općina za koje je donesena prostorno-planska dokumentacija i donesena Odluka o pristupanju izradi provedbeno planske dokumentacije od općine u skladu sa Prostornim planom kantona, a do donošenja prostornog plana Federacije Bosne i Hercegovine".